

halber vf Deckhendorf, Vilshouen vnd gar vf
 Passau, volgents erst vf Schärding vmbgehen miessen,
 ist deme mit Namen Blasy Widman von Daldorf
 N^o. 108 *per* 21 Meil zu 10 kr. den 8. Juny bezalt worden
 3 fl. 30 kr.

Nachdeme sich dann die Feindtsvölckher ye mehr
 herbeigezogen, alß hat man, wie sich mit den
 grossen Preuvorrath zuerhalten, mit vnder-
 thenigstem Anfragsbericht aignen Potten
 nacher Minchen zur Curfürstlichen Hofcammer abge-
 fertigt, welicher aber vor Feindtsgefahr nit
 weiters alß vf Landtshuet kommen künden vnd
 weiln er aldortn wider nit yber die Yser künden,
 hat er Abwerz vf Landau gehen müessen, von
 dorten biß vf Erding kommen, aber vor den
 straffenden Völkern gleichwoln München nit gar

Huius per se [3 fl. 30 kr.]

[fol. 136r]

errreichen mögen, sonder wider zuruckh vf Braunau
 gewisen worden, daselbsten Ihr Churfürstlich Durchlaucht ab-
 wesent gewest, ist disem Pottn, Georgen Braun alhie,
 so der Ausrechnung nach 24 Meil geloffen, ieder
 N^o. 109 10 kr. vnd in allem bezalt worden
 4 fl.

Den 18. July wegen neuen Waizenkaufs vnd
 vmb willn die Dietfurter zu Abholung Piers,
 Herr *Commandant* alhie nit einlassen wölln, dar-
 durch den Pierverschleiss gespörrt, vnderthenigsten
 Bericht neben Sendung deß 4. et 5^m *Ordinary*
 Preuextracts bei dem Ordinary Pottn Simon Kol-
 hauffen nacher München *dirigirt*, ist deme allein
 N^o. 110 *per* 4 Tag Wartgelt bezalt worden 5. Augusty
 1 fl.

Weiln aber kein Bschaid geben, die Gelegenheit
 zum Waizenkauf verschlichen vnd der Waizen ander-
 werths hin verfiert worden, ist mit weitter vnder-
 thenigstem Erinnerungsbericht vnd Nachricht,
 warauf es mit Vfrichtigung genedigist anbefolchnen

Huius fl. 5 kr. —